

Turkiston

1925-yildan chiqqan
boshlagan

«Kamolot» yoshlar ijtimoiy harakati
Markaziy Kengashining nashri

www.turkiston.uz

2014-yil 26-mart, chorshanba
№ 23 (15765)

ҲА, ЎЗБЕКИСТОН ЮКСАЛМОҚДА

Баҳор қир-адирлардан бошланади, деган гапга баъзан ишонмай қоласиз. Яқинда Навоий шаҳрига борганимизда шундай бўлди. Тошкентдан жилган поезд бир-бирига қўл бериб, қўл олган қишлоқлар ёқалаб, кенгликлар оралаб, дарёларга белбоғ бўлган замонавий кўприклардан ўтиб елиб бораркан, юртимиз манзаралари, она табиат кўринишлари, кўклам лавҳалари кўзни, қалбни сеҳрлайди. Муболағасиз айтгандаям, «Шарқ» поезди купеларининг шинам отел хоналаридан кам жойи йўқ. Дераздан лип-лип этиб ўтаётган она-Ватан сураатлари қалбингизга жо бўлаётгандек туюлади. Далаларни яшнатган майса-ўлан эл ризқи мўл бўлишидан дарак. Ўнгирларни қувна-тиб юрган қўй-қўзи, эчки-улоқ эртаниндин яна униб-ўсади, яна кўпаяди. Ҳаёт мускулидек қабарган шудгорлар қишдан куч тўплаб чиққан. Бу куч ўзбек турмушини яна-яна тараққий эттиради. Янги нафасдан энтикан олам янги ҳаёт тараддудиди.

Навоий шаҳрида биринчи кўзга ташлангани — оғочларнинг куртак ёриб, напармон тугунлар ечи-либ, гул очиш арафасида эканлиги бўлди. Ўша кунларда Тошкентда дарахтлар ҳали кўзгалмаган эди.

— Баҳор бу йил Навоийдан бошланибди-да, — деди кимдир гул ёзиш арафасидаги дарахтларга ишора қилиб.

— Навоийда доим баҳор! — деди ғурур билан бизни, пойтахтдан Навоий вилоятига борган бир гуруҳ зиёиларни кутиб олувчилар сафида қўлини кўксига қўйиб турган Навоий шаҳар Маънавият тарғибот бўлими раҳбари Ўктам Жўраев. Бу гапи билан у ҳазрат Алишер Навоийнинг сўз санъати — бадийяти оламида ҳам ҳаммиша баҳор, демокчи бўлаётганини пайқадик. — Ва, Навоийда ҳар куни Наврўз! — деб қўшиб қўйди у бу борадаги мулоҳазасини кенгайтириб. Бу билан Навоий шаҳрида аллақачон Наврўз шукуҳи кезаётир, демокчи эди; бу билан Ҳазратнинг машҳур: «Ҳар тунинг кадр ўлубон, Ҳар кунинг ўлсин Наврўз!» байтига ишора қилаётган эди. Бир неча кун бирга юриб билдикки, Ўктам Жўраев Ватан ҳақида, эл-юрт, миллат, мустақиллик ҳақида гап кетганда ҳаммиша фахр-ифтихор, ғурур билан ҳаяжонланиб гапирадиган инсон экан.

Янгиланиш, яшариш рамзи бўлган Наврўз юртимизга қутлуғ қадам билан келди. Шаҳарда ободонлаштириш ишлари кенг қулоч ёйган. Наврўз арафасида ўтган умумхалқ ҳашарида ўттиз километрдан ортиқ ариқ ва лотоклар тозаланди. 124 минг туп кўчат ўтқазилди. Дарахтларга шакл берилди, оқланди. Йўлаклар тартибга келтирилди. Кўп қаватли уйлар, ўқув-таълим муассасаларининг ҳовлилари, маиший хизмат кўрсатиш шохобчалари ҳудуди, шаҳар бозорлари кўркем қиёфа касб этган. Йўллар равон. Светофорлар замонавий — вақтни кўрсатади.

Кўклам нафаси ўлкамизни тутган. Мавжудот уйғонган, она ер бағрида ўзгаришлар юз бермоқда. Йўлак бўйлаб борарканмиз, ободонлаштириш хизмати ишчилари гуруҳимиз аъзоси, айниқса, «Чавандоз», «Занжир», «Опа-сингиллар» каби жиддий фильмлар орқали халқимиз, айниқса, ёшлар яхши билган, Ўзбекистонда хизмат кўрсатган артист Боир Холмирзаевни таниб қолишди. Салом-аликдан сўнг уларнинг биринчи саволи шундай бўлди:

— Шаҳримиз сизларга ёқдими?

(Давоми 5-саҳифада)

Ватанимизнинг тараққиёти ҳақида, дунёнинг ривожланган демократик давлатлари қаторига кўтарилишимизни аввало сиз, униб-ўсиб келаётган ёшларимизнинг салоҳияти, билимга чанқоқлиги ва илму фан чўққиларини ўзлаштиришингизга, етук ва баркамол авлод бўлиб вояга етишингизга қараб халқаро жамоатчилик бизнинг нималарга қодир эканимизга баҳо беради.

Ислом Каримов



Муқимжон ҚОДИРОВ (ЎЗА) олган сурат

ЁШЛАРГА ОИД ДАВЛАТ СИЁСАТИ АМАЛДА

«Камолот» ёшлар ижтимоий ҳаракати Олий ва ўрта махсус таълим вазирлиги билан ҳамкорликда Президентимизнинг «Ўзбекистон Республикасида ёшларга оид давлат сиёсатини амалга оширишга қаратилган қўшимча чора-тадбирлар тўғрисида»ги қарори ижроси юзасидан видеоконференция ташкил этди.

Тадбирда вазирлик, Ҳаракатнинг Марказий Кенгаши масъул ходимлари, ҳудудий ҳамда маҳаллий кенгашлари раислари, давлат ва жамоат ташкилотлари, шунингдек, етмишга яқин олий таълим муассасалари вакиллари қатнашди. Иштирокчилар республи-

камизнинг турли ҳудудларидан туриб бир-бирлари билан видеоконференцалоқа ёрдамида боғландилар.

Шу йил 6 февралда Президентимизнинг қарори билан «Ўзбекистон Республикасида ёшларга оид давлат сиёсатини амалга оширишга қа-

ратилган қўшимча чора-тадбирлар дастури» тасдиқланган эди. Ҳужжат еттита йўналиш ва 67 та банддан иборат. Унда соҳага доир қонунчиликни такомиллаштириш, тадбиркорлар учун «бизнес-инкубатор»лар ташкил этиш, ёш оилаларни қўллаб-қувватлаш мақсадида ҳар бир ҳудудда «Камолот» уйлари ва шаҳарчаларини барпо этиш, ёшлар аудиториясига мўлжалланган янги медиа маҳсулотлар яратиш, касб-ҳунар коллежалари битирувчиларининг бандлигини таъ-

минлаш ва бошқа қатор масалалар бўйича кўплаб лойиҳалар ўз аксини топган.

Видеоконференция давомида мазкур лойиҳаларни юқори савияда амалга ошириш ва бунда эътибор қаратилиши лозим бўлган жиҳатлар хусусида «Камолот» ЁИХ Марказий Кенгаши бўлимлари томонидан тайёрланган тақдиротларда батафсил сўз юритилди. Муҳокама чоғида қолган иштирокчилар қарорда белгиланган вазифаларни ўз вақтида ва сифатли бажариш, айниқса, ҳамкор ташкилотлар билан узвийликни таъминлашга қаратилган таклиф ва мулоҳазалар билдиришди.

Наргиза
БАҲОДИРОВА

Hududlardan mujdalar

ҚОРАҚАЛПОҒИСТОН
РЕСПУБЛИКАСИ

Нукус спорт коллежида «Камолот» шахмат тахтаси» мусобақасининг Қорақалпоғистон Республикаси босқичи бўлиб ўтди.

Унда танловнинг куйи босқичларида ғолиб бўлган 146 нафар ёш ҳаваскор шахматчи қатнашди. 6-8, 9-11, 12-14, 15-16, 17-19 ёш тоифасида ўтган беллашувларда Чимбой туманидан Шерзод Сайимбетов, Хўжайли туманидан Асалхон Мамажанова, Махмуд Холмуродов, Мердан Тўраев, Селби Какишова, Аббаз Аюезимбетов, Мохим Оразмухаммедова, Зинатдин Каримбоев, Амударё туманидан Барно Қадамбоева, Нукус шаҳридан Гулойим Жийемуратова ўз ёш тоифалари бўйича биринчи ўринни эгаллашди.

Паркент туманидаги 4-мактабда стол тенниси бўйича «Камолот» маликаси» спорт мусобақасининг туман босқичи бўлиб ўтди.

Унда тумандаги мактаб ва касб-хунар коллежларида таълим олаётган 1996 — 1997 ва 1998 — 1999 йилларда туғилган қизлар иштирок этди. Танлов сўнгида мактаб ўқувчилари ўртасида 4-мактабдан Чарос Орифбоева ҳамда Акида Орифбоева, коллеж ўқувчилари ўртасида эса Паркент ижтимоий-иқтисодиёт касб-хунар коллежидан Нодира Хаитназарова ҳамда Агросаноат ва сервис касб-хунар коллежидан Зухра Салоҳиддинова ғолиб бўлди.

Сардоба туманида «Варраклар сайли» кўрик-танловининг туман босқичи бўлиб ўтди.

Унда тумандаги «Ёшлар ижтимоий хизматлари» марказининг тўғарак аъзолари ҳамда 6-, 7-, 12-, 14-, 21-мактаб ўқувчилари ўзлари ясаган варракларни учиршиди. 21-мактаб ўқувчилари Бобомурод Абдураззоқов ва Жамшид Болбековнинг варраги биринчи ўринга муносиб кўрилди. Иккинчи ўринни 12-мактаб ўқувчиси Миржалол Абдувосилов, учинчи ўринни 14-мактаб ўқувчиси Достон Юнусовнинг варраги банд этди.

«Камалак» билимдонлари» кўрик-танловининг Булунғур тумани босқичи бўлиб ўтди.

Танловда ўн олти тажмао белгиланган шартлар асосида ўзаро беллашди. Якуний натижаларга кўра, тумандаги 1-мактабнинг «Камалак»нинг иқтидорли ёшлари» жамоаси ғолиб бўлди. Энди ушбу жамоа танловнинг вилоят босқичида туман шаънини ҳимоя қилади.

ТОШКЕНТ ВИЛОЯТИ

СИРДАРЁ ВИЛОЯТИ

САМАРҚАНД ВИЛОЯТИ

ЎЗ ОЛДИГА ЮКСАК МАРРАЛАР ҚЎЙГАН ЁШЛАР

Президентимиз Ислон Каримовнинг Наврўз байрамига бағишланган тантанали маросимдаги табрик сўзи катта қизиқиш билан ўрганилмоқда.

Давлатимиз раҳбари деярли ҳар бир чиқишида мамлакатимиз ёшларига мурожаат қилади. Уларга ўзининг меҳри ва ишончини билдириб, ҳар томонлама баркамол, фидойи ва ватанпарвар бўлишга ундайди.

Наврўз байрамига бағишланган тантанали маросимдаги табрик сўзида Юртбошимиз ёшлар масаласига яна бир бор эътибор қаратиб, «...ўзлигини, ўз кадр-қимматини, Ватани олдидаги ўз бурчини чуқур англаган, ўз олдига баланд марралар қўйиб, дунёдаги барча тенгдошлари билан беллашувга тайёр фарзандларимни бизнинг ишончимиз ва таянчимиз, ҳал қилувчи кучимиз, деб юксак кадрлаймиз ва сиз ёшларимизни эъзозлаб камол топтиришда ўзимизни ҳеч қачон аямаймиз», дея таъкидлади.

Мамлакатимиз истиқлолга эришганидан кейин атиги икки ой ўтиб, 1991 йил 20 ноябрда «Ўзбекистон Республикасида ёшларга оид давлат сиёсатининг асослари тўғрисида»ги қонун қабул қилинган. Соғлом ва баркамол авлодни тарбиялаш, таълим тизимини ривожлантириш, ёшларни ижтимоий ҳимоя қилиш, ёшлар ташкилотларини қўллаб-қувватлаш борасида кенг кўламли чора-тадбирлар белгиланган.

Ўша пайтда кўплаб иқтисодий-ижтимоий муаммолар мавжудлигига қарамай, бу масалага биринчи галдаги вазифа сифатида эътибор қаратилгани бугун ўз самарасини бермоқда. Мустақиллик йилларида туғилиб, камолга етган ёшлар етакчи куч бўлиб ҳаётга кириб келмоқда.

Бугунги кунда мамлакатимиз аҳолисининг 60 фоиздан зиёдини ёшлар ташкил этади. Уларнинг манфаатларини таъминлаш, истеъдод ва салоҳиятини юзага чиқариш учун ҳуқуқий, иқтисодий, ташкилий шарт-шароитлар яратилган. Ўзбекистон Республикасининг Конституцияси ва йигирмадан ортиқ қонунда ёшлар масаласи ўз ифодасини топган.

Президентимизнинг қатор фармон ва қарорлари ёш авлодни миллий ва умуминсоний қадриятлар руҳида тарбиялаш, уларни ҳар томонлама баркамол этиб вояга етказишга хиз-

мат қилмоқда. Ҳар йилга муайян ном берилиши муносабати билан қабул қилинаётган давлат дастурлари самарасида ёшларнинг ҳаётий муҳим масалалари ҳал этилмоқда. Ўз сафларида 5,5 миллион йигит-қизни бирлаштирган «Камолот» ёшлар ижтимоий ҳаракати, Халқ таълими вазирлиги, Олий ва ўрта махсус таълим вазирлиги, «Маҳалла» хайрия жамоат фонди ва бошқа ташкилотлар ўртасидаги ижтимоий ҳамкорлик бу борада алоҳида аҳамият касб этмоқда.

Давлатимиз раҳбарининг ташаббуси билан таъсис этилган Зулфия номидаги Давлат мукофоти, «Нихол» мукофоти, Ўзбекистон Республикаси Президенти давлат стипендияси ва бошқа стипендиялар иқтидорли ёшларни аниқлаш ҳамда рағбатлантиришда муҳим омил бўлмоқда. Ёш спортчиларни камолга етказиш мақсадида «Умид ниҳоллари», «Баркамол авлод» ва Универсиада мусобақалари мунтазам ўтказилмоқда.

Мамлакатимизда ўғил-қизларнинг нафақат замонавий билим ва касб-хунарларни эгаллаши, балки маънавий тарбиясига ҳам алоҳида эътибор қаратилмоқда. Ёшлар миллий ўзлгимиз, бой маънавий қадриятларимиз асосида тарбияланаётир.

...Яқинда интернетда шундай маълумотга дуч келдим: бугун Европада ҳар икки никоҳдан биттаси бекор бўлаётган экан. Бунинг сабаби ёшлар ўртасидаги ахлоқсизлик, уларнинг оилавий ҳаётга тайёр эмаслиги, масъулият ва қийинчиликларга чидамсизлиги экани қайд этилган. Атиги ўн йил илгари ушбу кўрсаткич ҳар учтадан бирига тўғри келгани ҳисобга олинса, бу жараён қанчалик тезлашиб бораётгани яққол намоён бўлади.

Маълумки, ўтган асрнинг 60-йилларида АҚШ ва Европа мамлакатларида рўй берган жинсий эркинликни

тарғиб қилишга қаратилган «инқилоб» одамларнинг турмуш тарзини, маънавий-маданий қадриятларни кескин ўзгартириб юборди. Ёшлар ўртасида ахлоқий бузуқлик, тийиқсизлик оддий ҳолга айланди. Кайфу сафо, енгил-елпи ҳаётга ўрганган ёшлар ўқиш, ишлаш, фарзанд тарбиялашга ортиқча ташвиш, деб қарайдиган бўлди.

Бу иллатлар таъсирида бугунги кунда кўплаб тараққий этган давлатларда оила институти емирилиб бораётгани сир эмас. Туғилиш даражаси йилдан-йилга камайиб, меҳнатга лаёқатли кишилар билан аҳолининг бошқа қатламлари ўртасида жуда катта тафовут пайдо бўлмоқда. Бу пенсия таъминоти, солиқ сиёсати, эмиграция оқими билан боғлиқ бир талай ижтимоий-сиёсий муаммоларни келтириб чиқараётир.

Жаҳон ёшлари орасидаги яна бир муаммо ишсизликдир. Халқаро меҳнат ташкилотининг маълумотида кўра, ёшлар ўртасида ишсизлик йилдан-йилга кўпайиб бораётир. Европадаги айрим мамлакатларда ёшлар ўртасидаги ишсизлик даражаси 60 фоизга етган...

Бугун жаҳонда кузатилаётган бундай хавотирли ҳолатлар қиёсида давлатимизнинг ёшларга оид сиёсати нақадар тўғри ва асосли эканлиги янада яққолроқ намоён бўлади. Мамлакатимизда ёшлар маънавиятини юксалтириш, оилаларни мустаҳкамлаш, соғлом авлодни вояга етказиш, ёшларни иш билан таъминлаш борасида кенг кўламли ишлар амалга оширилмоқда.

Таълим тизими изчил ривожлантирилиб, ёшларимизнинг замонавий асосда билим олиши учун кенг имкониятлар яратилмоқда. Мактабни тамомлаган ёшлар ўрта махсус таълим тизимига, коллеж битирувчилари иш ва ўқишнинг кейинги босқичларига тўлиқ қамраб олинмоқда.

2013 йилда касб-хунар коллежларининг 500 минг нафардан ортиқ битирувчиси иш билан таъминланди. Ўз хусусий бизнесини очиб, шу соҳа билан шуғулланишга қарор қилган коллеж битирувчиларига 140 миллиард сўмдан зиёд имтиёзли кредитлар ажратилди.

Ёшларнинг маиший шарт-шароитларини яхшилаш масаласи ҳам доимий эътиборда. Президентимизнинг 2007 йил 18 майда қабул қилинган «Ёш оилаларни моддий ва маънавий қўллаб-қувватлашга доир қўшимча чора-тадбирлар тўғрисида»ги фармони мустақил ҳаётга қадам қўяётган ёшларга катта мадад бўлмоқда. Ҳар йили ёш оилалар учун уй-жой куриш ишларига миллиард-миллиард сўмлик кредитлар ажратилиб, янги уйлар фойдаланишга топширилмоқда. Меҳрибонлик уйларида тарбияланган ёшлар турар-жой билан таъминланиб, уларнинг оила куриб, ҳаётда ўз йўлини топишига катта кўмак берилаётир. Қишлоқ жойларда намунавий лойиҳалар асосида қурилаётган уй-жойлар оилалар, жумладан, ёшларнинг турмуш шароитини, дунёқарашини ўзгартирмоқда.

Давлатимиз раҳбарининг жорий йил 6 февралдаги «Ўзбекистон Республикасида ёшларга оид давлат сиёсатини амалга оширишга қаратилган қўшимча чора-тадбирлар тўғрисида»ги қарорида ёшларнинг ҳуқуқий маданиятини юксалтириш, ислохотлар жараёнидаги фаоллигини ошириш, ижодий ва интеллектуал салоҳиятини юзага чиқариш, мафкуравий таҳдидларга қарши иммунитетни шакллантириш, уларни ижтимоий ҳимоя қилиш ва иш билан таъминлаш бўйича кенг кўламли вазифалар белгиланган. Уларнинг амалга оширилиши мамлакатимиз ёшларининг ҳуқуқ ва манфаатларини таъминлаб, орзунтилишларини рўёбга чиқаради.

Йиллар ўтгани, жамият ривожлангани сари ёшлар ҳам ўзгариб бораверади. Доимий эътибор ва ғамхўрлик кўрсатилса, улар жамиятнинг ишончи ва таянчига айланади.

Ўзбекистон ана шундай мустаҳкам таянчга эга мамлакат. Унинг барча бойликларидан-да кадрлироқ хазинаси — юксак маънавиятли ва салоҳиятли ёшлари ҳамда уларни менинг фарзандларим деб эъзозлайдиган, мунтазам ғамхўрлик қиладиган Президенти бор.

Анвар САМАДОВ,
ЎЗА шарҳловчиси



■ Davlat dasturi amalda ■

ЁШ ОИЛАЛАРГА «КАМОЛОТ» УЙЛАРИ

Юртбошимизнинг шу йил 6 февралда имзолаган «Ўзбекистон Республикасида ёшларга оид давлат сиёсатини амалга оширишга қаратилган қўшимча чора-тадбирлар тўғрисида»ги қарори ёш авлодни қўллаб-қувватлаш борадаги ишлар кўламини янада кенгайтирмоқда. Фарғона шаҳар Қирғули мавзейида жойлашган «Камолот» ёшлар уйининг очилиш маросими бунинг амалий ифодаси бўлди. Мазкур «Камолот» ёшлар уйи биносидagi 56 та хонадон калити ёш оилаларга тантанали равишда топширилди.

Тадбирнинг очилиш маросимида қатнашган вилоят ҳокими Шухрат Ғаниев Президентимиз раҳнамолигида юртимизда ёшларни, хусусан, ёш оилаларни қўллаб-қувватлашга қаратилган қатор дастурлар амалга оширилаётгани, ёшлар масаласига оид қарорлар ижросини таъминлаш борасида кенг кўламли ишлар бажарилаётганини айтиб ўтди.

Тадбир иштирокчилари «Farg'onaazot» OAJ томонидан қайта реконструкция қилинган мазкур кўп қаватли уй хонадонларига кириб, шарт-шароитлар билан яқиндан танишдилар. Замоनावий ва шинам, барча жиҳозлар билан таъминланган

хонадонларга эга бўлган ёш оилалар орасида Улуғбек Фуломов оиласи ҳам бор.

Улуғбек Фарғона политехника институтининг механика факультетини тамомлаган. Ёш мутахассис олти йилдан буён ҳарбийлашган газдан қутқариш отрядида хизмат қилиб келмоқда. Айни кунда Улуғбек турмуш ўртоғи Гулшаной Фуломова билан икки нафар фарзандни тарбиялаб вояга етказмоқда. Гулшаной моҳир тикувчи. У ҳам ўз меҳнати билан рўзгорга барака киритишга ҳисса қўшади.

— Бугун «Farg'onaazot» корхонаси ишчиси эканимдан яна бир бор фахрландим. Чунки бундай катта со-

вгани кутмаган эдим, — дейди Улуғбек Фуломов. — Корхонада қилаётган камтарона меҳнатимни шундай эътирофга лойиқ топиб, «Камолот» тавсияси асосида уй тухфа қилингани менга кат-



та масъулият юклайди. Қолаверса, турмуш ўртоғим ҳам шу ерда ташкил этилган тикувчилик цехида иш бошлаётгани, биз учун яна бир мукофот бўлди. Менга ишонган юрт учун, оиламни қўллаб-қувватлаётган корхонам ривож учун бор куч ва имкониятимни ишга солиб хизмат қилишга тайёрман.

Бу каби чин дилдан ай-

тилган сўзларни янги уйга эга бўлган ҳар бир оила соҳибидан эшитиш мумкин.

Корхона ҳисобидан икки миллиард сўмга яқин маблағ сарф этилган бу мажмуада янги уйлар билан бир қаторда кир ювиш маиший хизмат шохобчаси, сартарошхона, савдо дўкони, ижтимоий тўловлар шохобчаси ташкил этилиб, фойдаланишга топширилди. Хизмат кўрсатиш шохобчаларида ёш оилалардан ишсиз ёшлар бандлиги таъминланди.

Бу ёшларни қўллаб-қув-

ватлаш, уларга ҳар томонлама кўмак бериш каби хайрли ишларнинг бошланиши. Негаки, фарзандларини суядиган, ёшларни ҳамиша қўллаб-қувватлайдиган халқимиз, Юртбошимиз, давлатимиз бор экан, бу каби эзгу тадбирлар давом этажак.

Нодиржон ЮСУПОВ,
«Turkiston» мухбири

Hududlardan mujdalar

ХОРАЗМ ВИЛОЯТИ

Шовот туманида «Шунқорлар» ҳарбий спорт мусобақасининг туман босқичи бўлиб ўтди.

Мусобақада тумандаги касб-хунар коллежлари ўқувчилари ўзаро беллашди. Якунда Шовот туман курилиш касб-хунар коллежининг «Лочин» жамоаси ғолиб деб топилди. Эндиликда ушбу жамоа мусобақанинг вилоят босқичида иштирок этади.

Ҳаракатнинг вилоят кенгаши ҳамда «Иқтидорли ёшлар» клуби аъзолари «Қадриятларни қадрлаймиз» лойиҳасини ўтказди.

Лойиҳа доирасида «Умумхалқ хайрия ҳашари», «Қадрият, урф-одат, анъана ва ёшлар», «Сумалак сайли», «Миллий ўйинлар» фестивали каби бир қатор тадбирлар ташкил этилди. Шунингдек, Қарши шаҳридаги Алишер Навоий номидаги маданият ва истироҳат боғида «Миллий ўйинлар» фестивали ҳамда чиллаки, хўрозлар жанги, арқон тортиш, паҳлавонлар баҳси, «Ким кучли, ким билағон?», «Тақлид», «Салом наврўз, салом янги кун!» каби маданий-маърифий тадбирлар ҳам ўтказилди.

Чуст туманидаги «Барака» буюм бозорида «Назорат рейди» ўтказилди.

Ҳаракатнинг Чуст тумани кенгаши, туман ички ишлар бўлими, туман ХТМФМТТЭ бўлими ҳамкорлигида ташкил этилган рейдда «Барака» буюм бозорида уч нафар вояга етмаган ёш дарс вақтида савдо билан шуғулланаётгани аниқланди.

Қўштепа тумани ёшларига «Президент совғаси» «Ёшлар автобуси»нинг тантанали топшириш маросими бўлиб ўтди.

Бу Президентимизнинг ёшларга кўрсатаётган алоҳида эътибор ва ғамхўрлигининг, ишончининг намунасидир. Туманнинг шижоатли, ғайратли ўғил-қизлари иштирокидаги ушбу кечада вилоят ҳокими Шухрат Ғаниев иштирок этди. Маросим сўнгида тақдим этилган маданий дастур ёшлар қалбига янада кўтаринкилик бағишлади.

ҚАШҚАДАРЁ ВИЛОЯТИ

НАМАНГАН ВИЛОЯТИ

ФАРҒОНА ВИЛОЯТИ

■ 2014-yil — Sog'lom bola yili ■

МАСЪУЛИЯТ ЯНАДА ОШАДИ

Жорий йилнинг «Соғлом бола йили» деб аталиши ҳар томонлама баркамол авлодни камол топтириш йўлида амалга оширилаётган хайрли ишларнинг самарадорлигини янада оширишга имкон яратди.

Миллий матбуот марказида ташкил этилган матбуот анжумани бу борада журналистлар олдида турган долзарб вазифалар муҳокамасига бағишланди.

Ўзбекистон журналистлари ижодий уюшмаси Фуқаролик жамияти шаклланишини мониторинг қилиш мустақил институти, Ўзбекистон мустақил босма

ОАВ ва ахборот агентликларини қўллаб-қувватлаш ва ривожлантириш жамоат фонди, Ўзбекистон Матбуот ва ахборот агентлиги билан ҳамкорликда ташкил этган тадбирда «Соғлом бола йили» Давлат дастурининг мақсад-вазифалари, улар моҳиятини аҳолининг турли қатламларига етказишда оммавий ахборот воситаларининг масъулиятини ошириш масалалари ҳақида сўз юритилди.

Анжуманда оналик ва болаликни ҳимоя қилиш, оилаларда соғлом муҳитни мустаҳкамлаш, соғлом болани вояга етказишда соғлиқни сақлаш тизимининг ўрни, тиббиёт масканларининг моддий-техник базасини янада яхшилаш, уларни замонавий асбоб-ускуналар, малакали кадрлар билан таъминлаш, ота-оналарнинг тиббий мадани-

ятини ошириш, бошланғич таълим ва болалар спортини янада ривожлантириш, соғлом турмуш тарзини тарғиб қилиш бўйича белгиланган аниқ тадбирлар шулар жумласидандир.

Тадбирда «Соғлом бола йили» Давлат дастурининг мақсад ва вазифалари тўғрисида ахборот-тушунтириш ишларини ташкил этишнинг ўзига хос жиҳатлари, «Соғлом бола йили» Давлат дастури ижросини таъминлашда интернет нашрлар ва босма ОАВ олдида турган вазифалар, бу борада журналистларнинг масъулиятини ошириш масалаларига бағишланган маърузалар тингланди.

Дилбар ХУДОЙБЕРДИЕВА,
«Turkiston» мухбири



ҚАДРИЯТНИ ҚАДРЛАГАН ҚАДР ТОПАДИ

«Камолот»да меҳмонда» лойиҳаси доирасида кино санъати вакиллари «Миллий урф-одат, қадрият, анъана ва ёшлар» мавзuida интернет фойдаланувчилари билан мулоқот қилишди.



Мухаббат Абдуллаева (кино ва театр актрисаси): — Миллий урф-одатлар сарқит эмас, маънавиятимиз элагидир. Ўйлаб топилган турли маросим ва урф-одатлар синиқ элакка ўхшайди. Тўйдан олдин қуданда бир-бирига совға-салом юборади. Келган сарпонинг кийматини пулга чақиб, ўзиники билан солиштирувчилар ҳам бор. Кейин «нега меники ундай эди-ю, қудамники бундай?» қабилда гап-сўз чиқаришади, ўртага совуқчилик тушади. Шу арзимас баҳона билан фотиҳаси, тўйи бузилиб кетаётган ёшлар қанча. Нима, буни ҳам қадрият деб қўллаб-қуватлаш керакми? Асло! Қадрият ёшларни иймонли, сабрли бўлишга ўргатади. Урф-одатлар фақат эзгуликка хизмат қилиши даркор.

«Камолот» ёшлар ижтимоий ҳаракати Марказий Кенгаши қошидаги «Ёшлар медиа маркази»да жам бўлган ёшлар (Тошкент ахборот технологиялари университети талабалари) ҳамда лойиҳанинг навбатдаги меҳмонлари миллий қадриятларнинг моҳияти, ўйлаб топилаётган урф-одатлар, сохта туйғулар, савиясиз фильмлар, кино санъати ва кино саноатидаги камчиликларни бир даврда муҳокама қилишди. Он-лайн мулоқот форматида ташкил этилган бу суҳбатни www.kamolot.uz сайти ҳамда Ҳаракатнинг қатор ижтимоий тармоқларидаги веб-саҳифалари орқали реал вақт шароитида ўнлаб ёшлар кузатиб боришди ва ўз саволларини йўллашди.

Ҳам он-лайн, ҳам жонли мулоқот тарзида ёшлар билан кинорежиссёр Рустам Саъдиев, актриса ва сценарийнавис Шоира Фиёсова, актрисалар Мухаббат Абдуллаева ва Севара Хайдарова мулоқотда бўлдилар.

МАЪНАВИЯТ ЭЛАГИ

Он-лайн суҳбат танланган мавзудаги марказий тушунча ёки дастурчилар тили билан айтганда, «калит сўз» — миллий қадриятлардан бошланди. «Миллий қадриятларнинг ўзи нима?» деган саволни Рустам Саъдиев ўртага ташлади. У кўпчилигимизга «Келгинди келин» фильми орқали таниш. Фильм сценарийсининг муаллифи Шоира Фиёсова. Мухаббат Абдуллаева эса унда қайнона ролини ижро этган.

— «Келгинди келин»ни суратга олаётганда бу савол ўз-ўзидан келиб чиққан-ди, — давом этади кинорежиссёр. — Чунки картинада озми-кўпми, миллий урф-одатларимиз ҳам кўрсатилган. Съёмка пайтида Шоирахон билан шу масалани кўп муҳокама қилдик. Миллий урф-одат, бу, қаттиққўллик эмас. Бош қаҳрамоннинг онаси шаҳарлик қизнинг турли хатти-ҳаракатларига монелик қилади. Чунки қишлоқнинг ўз тартиб-қоидаси, асрлар давомида шаклланган анъаналари, ҳаёт тарзи, қадриятлари мавжуд.

— Менинг қаҳрамоним шу қадриятлар учун қаттиқ туриб курашгани туфайли ҳам қаттиққўл кўринар, — суҳбатга қўшилди Мухаббат Абдуллаева. — Лекин келин қишлоққа барибир кўнликди-ку. Чунки у йигитни севади. Севги инсонларнинг бир-бирлари учун яшамоклари, назаримда. Бу ҳам қадрият. Мухаббат замирида сабр, ҳурмат мужассам. Оилани олайлик. Келинчақ янги хонадонга кўнигиши учун сабр-бардош талаб этилади. Бу бир дарахтни илдизи билан суғуриб, бошқа жойга экишдек гап. Бу жараён тез ва осон кечмайди. Демак, қайнонаю қайнота ва бошқа қариндошлар ҳам сабрли бўлишлари керак.

Рустам Саъдиев: — Биз киномани одамларда ижобий кайфият уйғотиш мақсадида яратамиз. Афсуски, ҳозирги замонда кўп нарса пул билан ўлчанапти. Шундай вазиятда биз, киноижодкорларнинг вазифаси ёшларга инсон қадри ҳамиша устун, деган ғояни сингдириш-

дан иборат. Фильмни кўрган томошабин залдан яшагиси, яхшилик қилгиси келиб чиқиб кетиши керак.

Миллий урф-одатлар ҳақида актриса Севара Хайдарова ҳеч нарсга демади. У халқ оғзаки ижодининг ажойиб дурдонаси — «Омон ёр» қўшиғини ижро этиб берди.

*Этиш олди гўл ҳовуз, омон ёр,
Гўл теггани келганимиз, омон ёр.
Гўлни баҳона қилиб, омон ёр,
Ёр кўргани келганимиз, омон ёр!*

Пайқадингизми, азиз ўқувчи, халқимизда ёр дийдорига етиш, биргина нигоҳини кўриш қанчалик нозик туйғу саналиб, қадрият сифатида асраб-авайланган. Бу туйғулар асрлар оша фольклор санъати орқали авлоддан-авлодга етказилмоқда.

— Бугунги ёшлар эса бир-бирининг кўзига қарашни унутиб қўймоқда, — кўнчаллик билан гапирди Шоира Фиёсова. — Чат, Ватсанда гаплашишди, sms ёзишди, лекин одоб-ахлоқ, ибо-ҳаё доирасида дийдорлашишга вақти йўқ. Ахир, кўз кўзга тушганда инсон қалбидан бошқача кечинмалар ўтади. Ижтимоий тармоқларга ўта боғлианиб қолган ёшларга ачинаман. Сохта севги, сохта дўстлик қаердан пайдо бўлади? Шундай сайтларда! Бу сизу бизнинг муаммомиз. Турли тармоқлар тавсирида ёшлар маънавияти сусайиб борса-ю, биз қараб ўтираверамизми? Асл миллий қадриятларни ёшларга танитиб, моҳиятини тушунириш шарт. Оилада ота-она, маҳалла-қўйда кекса нурунийлар, эл орасида ҳурмат топган санъаткорлар — ҳаммамиз шу вазифага масъулмиз.

«КЕЛГИНДИ» ОДАТЛАР ҚАЕРДАН КЕЛАДИ?

Тошкент ахборот технологиялари университети талабаси Жаҳонгир Назаров залдан туриб савол берди:

— Ўзбек хонадонидида пахта гулли пиёланинг бўлиши миллийлик саналса, шу пиёлада ўнг қўлда чой узатиш миллий урф-одатимизга қиради. Ҳаётини тахрибага эга инсонлар сифатида халқимизда қайси урф-одатларни сохта, кераксиз, деб атаган бўлардингиз?

Мухаббат Абдуллаева: — Тўй-маросимларимиздаги баъзи одатлар чиндан ҳам кераксиз. Ҳашаматли тўй қилиш халқимизга хос эмас. Никоҳ уйига бир-биридан қиммат машиналар қаровида бориш ўйлаб топилган нарсаси. Минг кишига ош бериб, марҳумни ёд этишлар ҳам элимизда ҳеч қачон урф бўлмаган...

— Тўйлар, ҳатто аза маросимларимиз мантиқсиз одатларга «бойиб кетди», — дейди Шоира Фиёсова. — Ҳозир азада дод-фарёд қилмасанг, шуни айб ҳисоблаб, овоза қилувчилар топилади. Бу бемаънилиқ-ку! Ҳақиқий йиғи овозсиз бўлади, инсон қалби билан йиғлайди. Кимўзарга тўй қилишлари ош беришларни мен маънавиятсизлик белгиси деб ҳисоблайман. Ҳа, минг кишига тўй беришга кимнингдир қурби етибди. Аммо қурби етмагани ҳам шу ишни қилишга ҳаракат қилляпти-да. Ҳатто битта келин

Рустам Саъдиев (кинорежиссёр): — Тўғри, ҳозирча экранларимизда бачкана ва савиясиз фильмлар ҳам намоиш этилаяпти. Улар миллий қадриятларимизни қанақасига тарғиб қилсин, ахир?! Лекин лойқа сув аста-секин ўзи яна тинади. Демак, бундай киномахсулотларнинг умри қисқа, бир кун келиб уларнинг даври ўтади барибир.



Шоира Фиёсова (актриса, сценарийнавис): — Бугун ёшлар бир-бирининг кўзига қарашни унутиб қўйишди. Чунки кўпчилигининг ҳаёлини ижтимоий тармоқлар, уяли алоқа ва интернет чулғаб олган. Замонавий ахборот воситалари керак, албатта, фақат улардан зарурат юзасидан ва меъёрида фойдаланиш лозим. Аммо, таассуфки, ҳаёти шу нарсалар билан ўтиб кетаётган ёшлар ҳам бор-да...

қўйлакни деб тўй ё фотиҳасини бузаётганлар, арзимас гиди-биди гап туфайли ёш оиласини барбод этаётганлар бор. Мана муаммо қаерда!

Он-лайн мулоқотларда дунёнинг исталган қитъа ё мамлакатидида туриб виртуал тарзда иштирок этиш мумкин. Аслида «Камолот»да меҳмонда» лойиҳасининг антиқалигиям шунда. Бу сафар ҳам хорижлик ёшлар имкониятни қўлдан бой беришмади. Меҳмонларга аталган саволларнинг бири Ҳиндистондан келди.

Раҷеш Кери: — «Агар ёшлар дарахтнинг гули бўлса, урф-одатларни унинг илдизига қиёсласак бўлади. Гул очган дарахт қанчалик чироили кўринмасин, ҳаммаси илдизига боғлиқ. Шундай экан, буюк давлат қуриш учун ёшлар қадриятларга асосланиши керак, деб уйлайман. Бу борада сизнинг фикрингиз қандай?»

Шоира Фиёсова: — «Мен дарахтнинг илдизини ота-боболаримиз тафаккури ва маънавиятида, деб биламан. Ҳамма гап негизда. Сувни ҳам илдизга қуямиз-ку. Илдизи мустаҳкам дарахт ҳар қандай кучли шамолу довуларга дош беради. Юртимиз ёшлари ана шундай бақувват ва қадди расо дарахтнинг гул-унчаларидир. Шу боис келажагимиз порлоқ бўлишига шубҳам йўқ».

ЛОЙҚА СУВ ТИНАДИ

Суҳбат қизиган сайин ёшларнинг саволлари кескинлашиб бораверди. Аксарият саволлар ҳозирги ўзбек киносидида мавзу ва сценарий муаммоси, фильмларнинг савияси билан боғлиқ. Аслида ёшлардан бундай реакцияни кутиш табиий эди. Зеро, замонавий киномахсулотларнинг биринчи ва асосий томошабини ёшлар. Бошқа томондан, киноэкран тарбия ва тарғибот воситаси эканини унутмаслик даркор. Кино эса бу, Рустам Саъдиев айтганидек, идеология. Шу маънода, кинофильмда муайян мавзу ёки ҳолат, айниқса, миллий урф-одат ва қадриятлар қандай талқин этилиши жуда муҳим масала. Баъзан бу борада фильм суратга олаётган ижодий гуруҳнинг профессионал эмаслиги панд бериб қўяди.

Тошкент шаҳридан Жўрабек Муродовнинг «Фильмларимиз бачканалашиб кетишига пишиқ сценарийларнинг йўқлиги сабаб бўляптими?» деган саволига Рустам Саъдиев шундай жавоб қайтарди:

— Бунга ҳаммамиз айбдормиз. Албатта, яхши, пишиқ сценарий фильмининг муваффақиятли чиқишига ёрдам беради. Лекин ҳар доим эмас. Кўп нарсаси режиссёрга ҳам боғлиқ. Режиссёр ижодий жа-

раёнинг ҳамма босқичларида мувозанатни ушлаб туриши керак. Кинодаги бачканалик яқин йилларда пайдо бўлди. 2003-2006 йилларда миллий киноимизда ўсиш кузатилди, кўпгина янги, сифатли фильмлар суратга олинди. 2008 йилдан бошлаб сифат оқсай бошлади. Эътибор берсангиз, бу даврда ёшлар «Қувноқлар ва зукколар» каби шоу-дастурларга жуда қизиқиб кетди. Натижада, томошабин ва киноижодкорларда бачкана қилиқлар, «ха-ха-ха», «хи-хи-хи»лар билан фильм олса бўлади, деган фикр шаклланди. Энг ёмони, кинога санъатдан мутлақо йироқ кимсалар кириб келди. Аслини олганда эса, ҳозир юртимизда профессионал кино яратаяётган режиссёрлар кам. Ҳар ким ўз ишини қилса, соҳада нуқсонлар бўлмайди. Лойқаланган сув вақт ўтиб тиниклашади. Шунга ўхшаб бачкана фильмларнинг даври ҳам ўткинчи, назаримда.

Кейинги савол яна Рустам Саъдиевга йўлланди.

— Нега аксарият фильмларимиз севги ҳақида? Миллий қадриятларимизни кўрсатувчи фильмларни олишга ижодкорларга нима тўсқинлик қилляпти? — деб қизиқди бухоролик Шерзод Каримов.

— Севги мавзу эмас, бу — туйғу. У ҳар қандай жанрдаги фильмда бўлиши мумкин. Фильмда дўппи ва атлас қўйлак-ли қизларни кўрсатиш бу ҳали миллий кино дегани эмас. Замонга ҳам боқмасак бўлмайди. Замонавий фильмга, у қандай мавзуда бўлмасин, миллий руҳни сингдириш ижодкорнинг маҳоратига боғлиқ. Ёшларимизга шундай фильмлар керак.

Икки соатдан ортиқ вақт мобайнида «Камолот»да меҳмон бўлган санъаткорлар ёшларнинг қўллаб-саволларига жавоб беришди. Қизгин мунозара, фикрлар тўқнашуви, муаммоларни яширмаслик ва маънавиятимизга дахлдор оғриқли масалаларни ечишга бўлган умумий иштиёқ — он-лайн мулоқотда кузатилган бундай руҳ «Камолот»да меҳмонда» учрашувлари ҳамон ўз долзарблигини йўқотмаганидан далолат беради. Мега лойиҳанинг бу йилги янги мавсуми бизларни ҳали қўллаб-қизирақли суҳбатларга чорлайди. Мулоқот меҳмонларини энди «Камолот» ёшлар ижтимоий ҳаракатининг фахрий аъзолари, дейиш мумкин. Он-лайн мулоқотдан сўнг уларга Ҳаракатнинг кўкрак нишонлари топширилади.

Наргиза УМАРОВА,
«Turkiston» муҳбири.
Рустам Назарматов олган суратлар.

ҲА, ЎЗБЕКИСТОН ЮКСАЛМОҚДА

(Давоми, аввали
1-саҳифада)

Бу саволда чехраси ҳам, қалби ҳам очиқ шу оддий одамларнинг — юртдошларимизнинг ватанпарварлик туйғуси жўш ураётганини сезасиз. Улар ватан ҳақида маъруза ўқишни, чиройли гапиришни билишмас, аммо шу юрт, ватанимизнинг бир бўлаги бошқаларга ҳам ёқиши, манзур бўлиши учун ҳалол меҳнат қиладилар. Шу меҳнат туфайли юрт, шаҳар обод бўлади. Асл фидойилик шу эмасми?

— Навоий шаҳрига илгари ҳам бир неча бор келганман. Шаҳар доим тоза, озода. Кўчаларда, кўп қаватли уйлар олдида ташлаб кетилган ахлатни, қоғоз, баклашка каби чиқиндиларни учратмайсиз. Ҳаммаёқ бир рўзгор, бир хонадон каби саришта. Албатта, бундай бўлишида, яъни Навоий шаҳрининг турмуш маданияти юксак шаҳарга айланишида бутун шаҳар аҳолисининг меҳнати сингган, — дейди Боир Холмирзаев.


Биринчи учрашув «Мустақиллик» маҳалласидан бошлангани бежиз эмас. Мустақиллик халқимизга ватанимизни, ўз эркимизни, ўз тақдиримизни қайтариб берди. Мустақиллик туфайли Навоий шаҳри, мамлакатимиздаги барча шаҳарлар каби бугунги замонавий қиёфага, барча инфраструктуралар ривожланган йирик шаҳарга айланди.

Маҳалла аҳлининг кайфияти кўтаринки. Наврўз қувончи ёшу қарининг юзу кўзида акс этган. Маҳаллада қирқдан ортиқ миллат вакиллари яшайди. Барча бир эл, ахилиноқ, ака-ука. Халқимизга хос биродарлик, елкадошлик фазилати Наврўз арафасида янада яққол кўринган. Наврўзнинг тўкин дастурхонига ўзбекона сумалак, ҳалим, кўксомса, шунингдек, бошқа миллатларнинг миллий таомлари ҳам тортилган. Ризқ-насиба ҳаммани шу муқаддас заминга боғлаган. Наврўз неъматларини, байрам қувончини маҳалладошлар бир-бирларига улашадилар, бирга баҳам кўрадилар.

— Навоий вилоятида ер остида олтин бор, ер устида эса шу тупроқни гуллатган, чўлни гулистонга айлантирган тилла одамлар бор, — дея лутф қилади эл суйган санъаткор Боир Холмирзаев.

Кейинги учрашув Навоий шаҳридаги ҳарбий қисмлардан бирида ўтди. Ҳарбий қисмининг катта худуди худди бир ҳовлидек саришта, озода, тартибли. Ҳамма нарса жойида, ўз ўрнида. Казармадаги жихозларга, интизомга фақат ҳавас қилиш мумкин.

Мустақиллик йилларида Президентимиз раҳнамолигида Республикамиз Қуролли Кучларида ислохотлар изчиллик билан амалга оширилди. Профессионал, ихчам, тезкор, давр таҳдидларига муносиб жавоб қайтара оладиган замонавий Армиямиз тўла шаклланди. Узоқни кўзлаб амалга оширилган ислохотларнинг самарасини мазкур ҳарбий қисмда, офицерлар, аскарлар-



нинг кўзларида балққан мамнунликда кўриш, кузатиш мумкин.

Учрашувда сўз олган етмиш олти ёшли меҳнат фаҳрийси, Ўзбекистонда хизмат кўрсатган маданият ходими Бақо Саидов:

— Давримиз таҳликали, мураккаб. Турли можаролар, таҳдидлар ва қарама-қаршиликлар ҳар хил кўринишларда узоқ ва яқин кўшни мамлакатларда бош кўтармоқда. Бундан, айниқса, ёшларимиз тўғри хулоса чиқаришлари, биз юртимиз тинч, осмонимиз мусаффо эканлиги учун шукр қилишимиз, шу тинчликни, осойишталикни таъминлаб бераётган Юртбошимиздан миннатдор бўлишимиз керак, — дейди ва сўзининг охирида: — Сизлардек ишончли тинчлигимиз посбонлари, қалқонларимиз бор экан, биз, оталар хотиржам ухлаб ором оламиз. Мабодо хуррак отсак, қитъанинг, дунёнинг у четида ҳам эшитишади, — дея ҳазил қилади.

Бозор — юрт кўрки, деган гап бор. Бозорда эл-юртнинг маданияти, ободлик, фаровонлик даражаси акс этади. Навоий шаҳридаги «Гулистон» деҳқон бозорини чиндан ҳам шаҳар кўркига кўрк қўшган, дейиш мумкин. Бозор худуди тоза, озода. Сотувчи ва харидорлар, катта-кичик тадбиркорлар учун барча қулайликлар яратилган. Бозорга транспортда келувчилар учун авто-тураргоҳ ташкил этилган. Яхшанба — одамлар бозор-ўчар қиладиган кун бўлишига қарамай, айрим бозорларга хос бўлган бесаранжомликни кўрмайсиз. Ушбу бозорни барпо этишда, уни замонавий йирик савдо мажмуаси сифатида шакллантиришда аҳолининг келиб-кейтиши ҳисобга олинган. Маҳсулотлар тури билан расталарга жойлаштирилган. Ерта ёки у-бу жойда нарса сотаётган омонат сотувчиларни учратмайсиз, энг муҳими, нарх-наво ҳам «осмонда» эмас.

Навоий шаҳар Маънавият тарғибот бўлими томонидан



ЎзА суратлари

аввалдан тузилган режага кўра, Тошкентдан борган тарғибот гуруҳи аъзолари «Гулистон» бозорида хизматчи-ходимлар, тадбиркорлар, сотувчи ва харидорлар билан мулоқот ўтказишди. Мулоқот чоғида сўз олганлар юртимиздаги тинчлик-тотувлик, осуда ҳаёт учун Яратганга шукроналар айтишди. Илгари — истибдод замонида тушдан кейин зарур бўлиб қолса, бошқа нарса у ёқда турсин, ҳатто нон топилмасди. Бугун-чи, юрт обод, эл фаровон, кечами-кундузми, қачон чиқсангиз, бирор нарсанга дард қолмайсиз.

«Кимёгар» — Навоий шаҳридаги ўзига хос маҳаллалардан бири. Кўп миллатли маҳалла аҳолиси, асосан, саноат корхоналарида меҳнат қилади. Уларнинг топиш-тутиши яхши, яшаши ҳам шунга яраша. Болалар маҳалла стадионида футбол ўйнашмоқда. Маҳалла стадиони унча-мунча футбол жамоаси ўйин майдонидан қолишмайди. Совринга Наврўз мукофотлари, қимматли совғалар қўйилган.

Халқимизга хос саховатпешалик, муҳтожларни, етим-есир, беморларни қўллаб-қувватлаш каби фазилатлар Наврўз байрами арафасида янада кўпроқ кўзга ташланади. Ҳиммат ва саховат Наврўзнинг боқий анъаналаридандир. Савоб ишлар эҳтиёжмандларнинг кўнглини, руҳини кўтаради. «Меъмор» маҳалласи фаоллари, маҳалланинг саховатпеша кишилари ташаббуси билан маҳалладаги беш нафар кам таъминланган оила фарзандлари суннат қилинди. «Дийдор» ресторанида ўтказилган ихчам тўй меҳр ва оқибат, шафқат ва муруват тантанасига айланди. Наврўз маҳалла аҳлини янада жипслаштирди. Инсонийлик бор жойдан файзу тароват, қут-барака аримайди. Эзгу орзулар рўёбга чиқади. Шубҳа йўқки, бугунги тўйболалар улғайиб ватан, халқ манфаатларини ўз манфаатидан устун қўя оладиган фидойи инсонлар бўлиб камолга етади.

Шаҳарни янада обод ва кўркем, аҳоли учун янада қулай инфратузилмага эга масканга айлантириш учун кенг қўламли бунёдкорлик ишлари давом этмоқда. Алишер Навоий номидаги шаҳар маданият ва истироҳат боғи

қайта таъмирланиб, ёшларнинг кўнчилдагидек ҳордиқ чиқаришлари учун барча шароитлар яратилмоқда. Бундан ташқари, замонавий «Аквапарк» ёшлар хизматида. «Фарҳод», «Ширин» маданият саройларида, яқинда барпо этилган «Ёшлар саройи»да амалий санъат, мусиқа, театр, кино, рақс, миллий маданиятлар ва бошқа йўналишларда кўплаб тўғарақлар фаолият олиб боради. Шаҳарда саккизта сунъий қопламали стадион, 536 та спорт секциялари, ёпиқ сув ҳавзаси бўлиб, уларга 12 178 нафар бола ва ўсмир-ёш мунтазам қатнашади.

— Биз, санъаткорлар кўп юрт кезамиз. Ҳар хил одамлар орасида кўп бўламиз. Кўрган-билганларимдан келиб чиқиб айтишим мумкинки, Навоий ўзига хос саноатлашган шаҳар. Шу туфайли замонавийлашган ҳам, — дейди Муқимий номидаги давлат мусиқали драма театри актёри Азиз Латипов. — Мен Навоийда биринчи бор бўлишим, аммо бу ерда ижтимоий инфраструктура яхши ривожланганига гувоҳ бўлиб турибмиз. Айниқса, мусиқа ва санъатга, умуман ижодга, илм-фанга, спортга қизиқадиган болалар, ўсмирлар, ёшлар учун яратилган имкониятларга ҳавас қиласиз. Ким нимага қизиқса, бемалол шуғулланиши мумкин. Ҳатто, бир боланинг ўзи санъат, спорт, фан тўғарақларига қатнашиш имкониятига эга. Тўғарақлар эшиклари кун давомида ёшлар учун очик. Бу болалар, ўсмирлар, ёшларни фойдали машғулотларга жалб этиш, уларда ортиқча бўш вақт қолдирмаслик, болалар ва ўсмирларнинг интеллектуал салоҳиятини ўстиришга замин яратиши билан эътиборга молик.

Чиндан ҳам, Навоий шаҳрида ёшларни ҳар жиҳатдан қўллаб-қувватлаш борасида ибратли ишлар амалга оширилмоқда. Айтиш мумкинки, бу борада катта ва яхши тажриба тўпланган. Чунончи, шаҳардаги барча спорт, санъат, мусиқа, маданият, фан тўғарақлари, ҳатто сузиш ҳавзалари ёшларга бепул хизмат кўрсатади.

— Шу тартиб бундан кейин ҳам сақлаб қолинади. Мухтарам Президентимиз таъкидлаганларидек, ёшларимиз биздан кўра кучли, билимли, доно ва албатта, бахтли бўлиш-

ри учун барча имкониятларни ишга соламиз. Дарсдан кейинги машғулотларда болалар ва ўсмир ёшлар учун ёши ва иқтидориغا қараб алоҳида гуруҳлар тузиш, уларнинг таъминотини амалга ошириш режаси ишлаб чиқилди, — дейди Навоий шаҳар ҳокими Неъматулло Аҳатов. — Наврўз байрамига бағишланган тантанали маросимдаги табрик сўзида Юртбошимиз: «... биз ўзлигини, ўз кадр-қимматини, Ватани олдидаги ўз бурчини чуқур англаган, ўз олдида баланд марралар қўйиб, дунёдаги барча тенгдошлари билан беллашувга тайёр фарзандларимни бизнинг ишончимиз ва таянчимиз, ҳал қилувчи кучимиз, деб юксак қадрлаймиз ва сиз ёшларимизни эъзозлаб камол топтиришда ўзимизни ҳеч қачон аямаймиз», дея таъкидладилар. Бу эса ёшларни қўллаб-қувватлаш борасида зиммаларимизга улкан масъулият юклайди, бизнинг олдимизга долзарб вазифалар қўяди.

Наврўз шукуҳи, баҳор таровати диёримизга ярашган, қалбларимизни сурурга тўлдирган шу қутлуғ кунларда Навоий шаҳрида аҳоли, хусусан, ёшлар билан ўтган учрашувлар, очик мулоқотлар, адабий-бадийий йиғинлар қизиқарли ва самарали бўлди, десак янглишмаймиз. Юртдошларимизнинг кайфияти кўтаринки, руҳи тетик. Баҳор мудроқ табиатни уйғотиб, унга кўрк бағишлаганидек, бунёдкорлик, яратувчанлик ишқи, ҳаётдан мамнунлик туйғуси, эртанги кунга ишонч ҳисси одамларимизни умрни меҳнат билан безаш, ҳаётни яхшилик билан шарафлаш сари ундайди. Яхшилик ва эзгулик инсонни юксалтиради. Ватанга, халққа беминнат хизмат қилиш — ҳар бир юртдошимизнинг олий саодатидир.

Навоий шаҳридан тунда жилган поезд эрта тонгда Тошкентга яқинлашади. Пойтахт манзаралари лип-лип этиб купегача кириб келаётир. Деразадан қарайман, осмонда Ўзбекистон байроғи ва «Ўзбекистон ҳаво йўллари» белгиси туширилган улкан ҳаво кемаси юксакка кўтарилмоқда. Ҳа, Ўзбекистон юксалмоқда!

Салим АШУРОВ

■ Sening tengdoshing ■

ИСТИҚЛОЛНИНГ ИХТИРОЧИ ҚИЗЛАРИ

Сурхондарёлик Зебинисо Холбоева бир неча йилдан буён вилоят ва республика миқёсидаги қатор танловларда муваффақиятли қатнашиб келаяпти. Масалан, у ўтган йили Савдо-саноат палатаси ва «Камолот» ЁИХ Марказий Кенгаши ҳамкорлигида ўтказилган «Менинг бизнес гоям» танловининг республика босқичида «Энг яхши инновацион гоя» номинацияси ғолиби бўлди. Шунингдек, унга «Юрт келажаги» танловининг республика босқичида техник ишланмалар йўналиши бўйича ғолиблик насиб этди.

У ҳақда матбуотда ўқиган бўлсам ҳам, ҳали учрашмаган эдим. «Камолот» ЁИХ вилоят кенгашининг олтинчи ҳисобот-сайлов конференцияси баҳонасида кўплаб иқтидорли ёшлар қаторида Зебинисо билан ҳам яқиндан танишиб, суҳбатлашдик.

ЭКОЛОГИК ТАБИЙ ЭНЕРГИЯ ОЛИШ ЛОЙИХАСИ

Суҳбатимиз унинг экологик тоза табиий энергия олиш лойиҳаси ҳақида бошланди.

— Атроф-муҳитнинг ифлосланиши катта экологик муаммоларни келтириб чиқараяпти, — дейди ёш олима куюнчаклик билан. — Бу эса жамоатчилиكنи ташвишга солади. Атроф-муҳитнинг ифлосланишига турли факторлар сабаб бўлиши мумкин. Масалан, электр энергиясини ишлаб чиқарадиган иссиқлик, атом, гидроэлектростанциялар ҳавонинг кучли заҳарланишига олиб келади. Бу ҳолат ривожланган мамлакатлар олимларининг доимий эътиборида, шу боис ҳам бугунги кунда му-

қобил энергия манбалари устида чуқур илмий изланишлар олиб борилмоқда. Экологик соф кувват манбаларини ўйлаб топш-долзарб масалага айланган. Бутун жаҳон жамоатчилиги эътиборидаги масала мени ҳам ўйлантиради, албатта. Шунинг учун ҳам электр энергияси етиб бориши қийин бўлган чўл ва тоғли ҳудудлар аҳолиси учун куёш батареяларидан халқ хўжалигида фойдаланиш устида иш олиб бордим. 2012 йилда шу мавзуга бағишланган қўлланмам чоп этилди.

БЕШИК ТЕБРАТУВЧИ МОСЛАМА

1994 йил Жарқўрғон туманида туғилган Зебунисо Холбоева ҳамиша янгиликка ин-

тилади. Ана шу фазилати уни турли ихтиролар қилишга ундайди. Ўзи туғилиб ўсган тумандаги 5-академик лицейда таҳсил олаётган кезларидаёқ ўзининг инновацион ғоялари билан курсдошлари ва устозларини лол қолдирган. Куёш батареяси билан ишлайдиган бешик тебратувчи мосламасини ҳам у ўқувчилик пайтидаёқ ясаган эди.

— Уни ёш оналарга ёрдамчи бўлади, деган мақсадда ясаганман, — дейди ихтирочи қиз жилмайиб. — Электр энергияси етиб бормаган ҳудудларда, айниқса, чўпонлар мавсумий яшайдиган қир-адирларда яшовчи аёлларнинг ишини енгиллаштириш мақсадида ушбу мосламани ясадим.

Мақтабда ўқиб юрган пайтларидаёқ Зебинисо одамларга фойдаси тегадиган кашфиётлар қилишни ниятлаганди. Бугун йигирма ёшга тўлган ёш олима ўша ниятида собит. У машҳурлик ёки бойлик учун эмас, юртдошларига наф келтириш йўлида ўқийди, изланади.

ТАБИЙ ГАЗ ОЛИШ УСУЛИ

— Бир кун синфдошларим билан Жарқўрғон туманидаги Ханжар кўлига борганимизда газ ҳиди эътиборимни тортди, — дейди Зебинисо. — Ҳайрон бўлдим. Яқин атрофда газ қувури йўқ. Кўл теварагини кузатдим. Қамиш ва шу каби ўт-ўланлардан бошқа нарсани



кўрмадим. Кейин билсам, кўл атрофига келган чорва моллари гўнги ўсимлик чириндилари билан аралашиб, ачитқи ҳосил қилар, бундан ботқоқ газ пайдо бўлар экан. Кимё фани ўқитувчимиз менга бу ҳақда батафсил тушунча берди ва ботқоқ газини ёқиб кўрсатди. Бу эса менга янги ғоя берди. Тажриба учун иккита шиша идиш олиб, бирига гўнг, иккинчисига кўмир солдим. Биринчи идишга кўшимча қилиб ўсимлик чириндилари ва сув солиб оғзини маҳкам беркитдим. Биринчи ва иккинчи идишни шиша найча билан туташтирдим. Иккинчи идишдаги кўмир ва

оҳак заҳарли газларни ўзида ушлаб қолади, яъни филтрлайди. Бу жараён натижасида ботқоқ газ ҳосил бўлади. У экологик тоза ва табиий газ ҳисобланади. Бу газ кимё саноатида ва халқ хўжалигида катта аҳамиятга эга.

Айни пайтда Зебинисонинг бор диққат-эътибори бир нарсга қаратилган: университетга ўқишга кириш.

Келажакда олий ўқув юртидаги таҳсил унинг иқтидорига янада қанот бағишлашини тилаб қоламиз.

**Наргиза
РАҲМАТУЛЛАЕВА,
«Turkiston» муҳбири**

■ Buyuk ajdodlarimiz ■

МАҒРИБУ МАШРИҚДА МАШҲУР ОЛИМ

Жаҳон илм-фани ривожига улкан ҳисса қўшган буюк бобокалонимиз, машҳур олим, давлат арбоби Мирзо Муҳаммад Тарағай Улуғбек улуг бунёдкор шахс эди. У Бухоро, Самарқанд, Шаҳрисабз, Ғиждувонда қурдирган мадрасалар, масжидлар, хонақоҳ ва ҳаммомлар, сарой, хиёбонлар Темурийлар даврининг бетакрор олимоотлари сирасига киради.

Бугунги кунда у зотнинг шахси ва фаолияти билан боғлиқ асарлар жаҳоннинг турли тилларига таржима қилиниб, нашр этилмоқда. Улуғбек ҳақида бизгача етиб келган ёзма манбалар озми-кўпми, аллома ҳаёти ҳақида қимматли маълумотларни беради.

Амир Темур вафотидан сўнг унинг ўғли Шоҳруҳ Мирзо Хиротда, Шоҳруҳ Мирзонинг ўғли Мирзо Улуғбек эса Самарқандда салтанатни бошқаради.

XV аср тарихчиси Абдураззоқ Самарқандийнинг «Матлаи саъдайн ва мажмаи баҳрайн» асарида Улуғбекнинг ҳокимият тепасига чиқиши, унинг бошқарув сиёсати тўғрисида маълумотлар келтирилган. Хусусан, муаллиф 1409-1410 йиллар воқеаларини шундай баён этади:

«(Шоҳруҳ Мирзо) жаҳонни фатҳ этувчи жиловни Хуросон мамлакатитомон бурди. Хуросон вилоятига кир-

гач, «болаларингизни ҳурматланглар ва уларни яхши тарбияланглар» деган ҳадиси шарифга мувофиқ, Тус, Хабушон, Калот, Бовард, Нисо, Ёзир, Сабзавор ва Нишопур вилоятларини шохлик осмонининг юлдузи, Оллоҳ лутфининг сояси, давлат ва диннинг кўмакчиси Мирзо Улуғбек Кўрагонга топширди ҳамда унга шаҳарлару инсонлар борасида адолатли ва раҳмшафқатли бўлиш юзасидан таълим берди.

Сўнгра «Ҳазрати (Шоҳруҳ) ҳокони саид Мовароуннаҳр ва Туркистон мамлакати вилоятини саодатли фарзанд, Мирзо Улуғбек Кўрагонга бағишлади».

Шоҳруҳ Мирзо ота сифатида салтанат ишларини идора этишда Мирзо Улуғбекка амалий ёрдам кўрсатади. Зеро, 17 ёшда тахтга чиққан ўғли давлат бошқарувида етарли тажрибага эга эмасди.

Улуғбек тинчликпарвар, адолатпеша ҳукмдор бўлибгина қолмай, илм-фан ҳомийси ҳам эди. Зеро, Регистондаги Улуғбек мадрасаси пештоқида «Бу бино асосчиси Буюк Султон, тинчлик ва иймон ҳомийси Улуғбек Кўрагон» деган ёзув битилган. Бобокалонимиз Самарқанд шаҳрида уникал илм маркази — расадхона қурдиргани ҳам буюк ишларидан биридир.

Заҳириддин Муҳаммад Бобур ўзининг «Бобурнома» асарида Самарқандда аждодлари Амир Темур ва Улуғбек томонидан қурдирилган муҳташам обидаларнинг латофатидан ҳайратини яшира олмайди: «Темурбекнинг ва Улуғбек Мирзонинг иморати ва боғоти Самарқанд маҳалло-тида кўптур... Улуғбек Мирзонинг иморатларидин Самарқанд қалъасининг ичинда мадраса ва хонақоҳдур. Хонақоҳнинг гунбази бисёр улуг гунбаздур, оламда онча улуг гунбаз йўқ деб нишон берурлар» (Зилзила натижасида вайрон бўлган мазкур хонақоҳ ҳозирги Шердор мадрасаси ўрнида эди).

Улуғбек расадхонасига ташриф буюрган Бобур уни қуйидагича таърифлайди: «(Улуғбек Мирзонинг) яна бир олий иморати Пуштайи Кўҳак доманасида расаддурким, зич битмакнинг олатидур. Уч ошёнликдур. Улуғ-

бек Мирзо бу расад била «Зижи Кўрагоний»ни битибтурким, оламда ҳоло бу зиж мастаъмалдур. Ўзга зиж била кам амал қилурлар».

Кўп асрлар ўрни номаълум бўлган, номи фақатгина ёзма манбаларда тилга олинган машҳур Улуғбек расадхонаси ўтган асрнинг бошларида топилиб, йирик археологик кашфиёт дея эътироф этилди. Муболағасиз айтиш мумкинки, мазкур расадхонанинг очилиши нафақат мамлакатимиз, балки жаҳон цивилизацияси тарихида ҳам оламшумул воқеа сифатида баҳоланмоқда.

Мирзо Улуғбекнинг давлат ва илмий ишларини янада чуқурроқ ва изчил ўрганиш ўз аҳамияти, долзарблигини йўқотмайди. Зеро, Юртбошимиз таъбири билан айтганда, «Муборак заминимизда илму фан барқ уриб яшнагани, табиий илмлар, хусусан, тиббиёт, математика, астрономия каби фанлар мадрасаларда ўқитилгани, илмий академиялар ташкил этилиб, мағрибу машриқда ном таратганини эсласак ва бундан ҳар қанча гурурлансак арзийди».

**Азизжон ШАРИПОВ,
Ўзбекистон Фанлар академияси
Темурийлар тарихи давлат
музеи бош мутахассиси**

■ Zulfiya nomidagi Davlat mukofoti sovrindorlari ■

ОРЗУЛАРИ УШАЛАЁТГАН ҚИЗ

«Спортчи сифатида шу кунгача қатор мусобақаларда қатнашдим. 2013 йили Хитойнинг Нанкин шаҳрида ўсмирлар ўртасида ўтказилган Осиё ўйинларида эришган ғалабам шарафига Ўзбекистон номи янграб, байроғимиз кўтарилганда қалбим гурур-ифтихорга тўлди. Болалигимдан спортни, соғлом турмуш тарзини танлаб адашмаганимга амин бўлдим. Спорт орқали орзуларим ушалаётгани янада юксак марралар сари илҳомлантирмоқда. Биз, ёшларнинг орзуимиз рўёбга чиқиши учун кенг имкониятлар яратилган юрт фарзанди эканимдан фахрланаман.»

Бу — таэквондо (WTF) бўйича кўп карра Ўзбекистон чемпиони, Зулфия номидаги Давлат мукофоти соҳибаси Динора Мамадибрагимованинг дил сўзлари.

Динора Куvasой шаҳридаги Болалар ва ўсмирлар спорт мактабида ташкил этилган таэквондо (WTF) тўғрисида қатнай бошлаганида саккиз ёшда эди. Таҳрибали мураббий Хусниддин Хўжамкулов спортга иштиёқи кўзларида акс этиб турган қизалоқда кучли салоҳиятни кўра билди. Мураббий қизалоқнинг истеъдодини тўғри йўналтира олгани унинг муваффақиятларига мустаҳкам пойдевор бўлди.

— Спорт билан шуғулланиб, соғлом вояга етмоқдаман, — дейди у. — Мамлакатимиздаги тинчлик ва фаровонлик, Президентимизнинг кўрсатаётган доимий ғамхўрлиги биз — ёшларнинг юқори марраларни забт этишимизда муҳим омил бўлмоқда. Ҳар бир мусобақа олдида Юртбошимизнинг «Биз ҳеч кимдан кам эмасмиз ва ҳеч қачон кам бўлмаймиз!», деган сўзларини қайта-қайта такрорлайман. Бу кучимга куч қўшиб, ғалабага ундайди. Келажакда спортчи сифатида юксак марраларни забт этишимга ишонаман.

Динора халқаро миқёсдаги илк ютуғига 2009 йили Марказий Осиё чемпионатида эришган. Нуфузли мусобақа-

да илк маротаба қатнашган спортчи барча рақибларини енгиб, шохсупанинг энг юқори поғонасига кўтарилди. Кейинчалик болалар ва ўсмирлар ўртасидаги мамлакат биринчиликларида бир неча маротаба ғолиб ва соvrиндор бўлди. Ёрқин истеъдоди ва маҳорати билан мураббийлар назарига тушди, терма жамоага қабул қилинди.

Ўзбекистон ўсмирлар терма жамоаси аъзоси сифатида Жанубий Корея, Россия каби давлатларда ўтказилган мусобақаларда соvrиндор бўлди. 2013 йили ўсмирлар ўртасидаги Осиё ўйинларида Ўзбекистон спорт делегацияси ҳисоби-га бронза медалини келтирди.

— Неварамнинг ютуқларини кўриш мен учун бахт, — дейди бувиси Сабохон ая. — Спорт туфайли у дунёга танилмоқда, Ватанимизнинг халқаро майдондаги обрў-этибори янада юксалишига ҳисса қўшмоқда. Синглиси Комила ҳам опасидан ўртак олиб таэквондонини танлади. Энг муҳими, улар соғлом бўлиб вояга етмоқда.

Чирчиқ олимпия захиралари коллежининг 2-босқич ўқувчиси Динора Мамадибрагимова аъло хулқи, зукколиги, ўқишдаги муваффақиятлари, ташаббускорлиги ҳамда спортдаги ютуқлари учун давлатимиз раҳбари-



нинг 2014 йил 3 мартдаги қарорига биноан Зулфия номидаги Давлат мукофоти билан тақдирланди.

— Диноранинг бундай юксак мукофотга муносиб кўрилгани биз, мураббийларни ҳам қувонтириб юборди, — дейди устози Пахлавон Собиров. — Бу коллежда таҳсил олаётган бошқа ёшларимизни ҳам улкан ғалабалар сари бошлайди.

Истеъдодли спортчи Хитой Тайпейида 16-26 март кунлари таэквондо (WTF) бўйича бўлиб ўтадиган иккита нуфузли мусобақада иштирок этади. Дастлаб жорий йилнинг август ойида Хитойнинг Нанкин шаҳрида бўладиган ўсмирлар ўртасидаги II Олимпия ўйинларига йўланма берувчи саралаш турнирида қатнашади. Сўнгра дунёнинг энг истеъдодли таэквондочилари қаторида жаҳон чемпионатида юртимиз шарафини ҳимоя қилади.

Зоҳир ТОШХЎЖАЕВ,
ЎЗА мухбири

■ Vatan himoyasi — muqaddas burch ■

БУЮК ЭЛ ЎҒЛОНЛАРИ — ЮРТ ҚАЛҚОНЛАРИ

Ҳар сафар пойтахтимиздаги «Ватанга қасамёд» ҳайкали олдида ўтаётганимда онамнинг дуоларини эслайман. Юрт байроғини ўнаётган аскарга қараб, ҳарбий хизматдаги бетакрор онларим ёдимга тушади. Мазкур монумент олдида узоқ тикилиб қолган Исмоил бобо Аднаев ҳам ўтмиш хотираларини эслаб, бир хўрсиниб қўйди. Негаки, Исмоил ота ўз юртида эмас, балки ўзга юртларда ҳарбий хизматни ўтаган...

Шукри, истиқлол туфайли миллий армиямизга эга бўлдик, ҳарбий хизматни ҳам ўз юртимизда ўтаёلمиз. Эл-юрт олдидаги муқаддас бурчини адо этиш ўзбекистонлиқ ҳар бир йигит учун чинакам шарафга айланди.

Давлатимиз раҳбарининг «Ўзбекистон Республикаси фуқароларининг муддатли ҳарбий хизматга навбатдаги қақруви ҳамда белгиланган хизмат муддатларини ўтаб бўлган ҳарбий хизматчиларни Қуролли Кучлар резервига бўшаатиш тўғрисида»ги қарорига мувофиқ, муддатли ҳарбий хизматга қақрилган йигитлар Мудофаа вазирлиги ҳарбий қисм ва бўлинмаларида ҳарбий қасамёд қабул

қилишди. Тошкент шаҳридаги «Ватанга қасамёд» ҳайкали пойида бўлиб ўтган тантанали маросимда Мудофаа вазирлиги вакиллари, вазирлик ҳузуридаги Жамоатчилик кенгаши аъзолари, давлат ва жамоат ташкилотлари вакиллари ҳамда ота-оналар иштирок этди. Белгиланган синовлардан муваффақиятли ўтиб, аскарлик шарафига эга бўлиб турган ёшларнинг қувончи чексиз. Уларнинг қувончига шерик бўлаётган ота-оналарнинг хурсандчилиги эса икка ҳисса ортки.

— Дилшодбек тўнғич ўғлим, — дейди Марҳамат туманидан келган Гулбаҳор ая Шарипова. — Эғнидаги ҳарбий либосни кўриб,

гурурланиб кетяпман. Ота-она учун энг катта бахт фарзандининг хурсандчилигига гувоҳ бўлиш. Ўғлим аскар бўлиш учун уч йил тайёргарлик кўрди. Ниҳоят, бу йил барча синовлардан муваффақиятли ўтиб, ўз йигитлик бурчини ўташ учун муддатли ҳарбий хизматга кетяпти. Бундай тантанали кузатиш маросимлари биз, ота-оналарга янада фахрифтихор бағишлайди. Бундан барча ота-оналар миннатдоримиз. Энди фарзандларимиз йигитлик бурчини ўтаб, Ватан тинчлигини таъминлашга хизмат қилади.

Байрамона тус олган кузатиш маросимида кимдир ота-онаси, кимдир ака-укаси, кимдир опа-сингиллари билан, яна кимдир севгилиси билан хайрлашмоқда. Қўлида гул кўтариб турган Шодиёна Комилжоновна эса акиси Шаҳриёрни аскара бўлгани билан қутламоқда. У эрта тонгдан довон ошиб Фарғона вилоятидан келган.

Албатта, муддатли ҳарбий хизматга қақрилган ёшларнинг ҳам хурсандчилиги чексиз. Аскарлар ҳам ота-оналарининг дил сўзларига қўшилиб, ўз тилақларини билдиришди.

— Бугун армия ҳақиқий ҳаёт мактабига айланди, — дейди Наманган туманидан муддатли ҳарбий хизматга қақрилган аскар Муслимбек Баҳромов. — Ушбу мактабда товланишга ошиқаётган тенгдошларим сафи йилдан йилга ортиб борапти. Келгусида сержантлар тайёрлаш мактабида ўқимоқчиман. Мақсадим шу юрт тинчлигини таъминлашга хизмат қилиш. Мустақил Ўзбекистоннинг бундан-да юксак тараққий этишига муносиб ҳисса қўшишдир.

Юртбошимиз таъкидлаганидек, «Ҳарбий қасамёд — бу шунчаки расмий тадбир эмас, балки йигитлик шаъни, ору номусини ўртага қўйиб, ўз зиммасидаги масъулиятли ва шарафли бурчини адо этишга бел боғлаб, аҳду паймон қилиш маросимидир». Аскарлар ана шундай ибратли сўзларга амал қилган ҳолда, энг улуг, энг азий неъмат — истиқлолни кўз қорачиғидай асраш, Ватан тинчлиги, тараққиёти ва фаровонлиги йўлида фидойилик билан хизмат қилишга тантанали равишда қасамёд қабул қилишди.

Қуролли Кучлар Марказий ашула ва рақс ансамбли ижросидаги куй-қўшиқлар эса тантанали байрамга янада файз бағишлади.

Рустам ЮСУПОВ,
«Turkiston» мухбири



НИҲОЯТ ТОПИЛДИ

Бедарак йўқолган ва топиш учун бир нечта мамлакат мутахассислари бел боғлаган «Malaysia Airlines» авиакомпаниясига тегишли «Boeing 777-200ER» самолёти Ҳинд океанида ҳалокатга учрагани маълум бўлди.

Буни Малайзия бош вазири Нажиб Тун Раззоқ эълон қилди. Лайнер Ҳинд океанининг жанубий қисмида кулаб тушган. Унинг бортида бўлган 239 нафар йўловчи ва экипаж аъзоларининг бари ҳалок бўлган.

Эслатиб ўтамыз, «Куала-Лумпур – Пекин» йўналишида ҳаракатланган мазкур самолёт 8 мартга ўтар кечаси Жанубий Хитой денгизи устида йўқолган эди.

ЭНГ ҚИММАТБАҲО ЖОНИВОР

Хитойнинг Чжэцзян провинциясида дунёдаги энг қиммат итнинг савдоси бўлиб ўтди.

Тибет мастифи зотига мансуб ит 12 миллион юан (1,9 миллион АҚШ доллари)га сотилди. Исмини ошкор этишни истамаган харидор бу ит мамлакатда жуда ноёб саналишини ва у бундан-да кўп пулга лойиқлигини айтган. Хатто бу тилларанг тибет мастифи Хитойда жуда ноёб саналган панда айиқлари билан тенг кўрилади. Дарвоқе, аввалроқ шу зотга мансуб бошқа бир ит ўн миллион юан (1,5 миллион АҚШ доллари)га баҳоланган эди.

Ўқувчилар учун махсус дастур

Корея Республикаси мактабларида ўқувчилар смартфонларини ўқитувчилар кузатиб бориши учун махсус дастур яратилди.

Корейс дастурчилари яратган «iSmartKeeper» компьютер дастури ёрдамида ўқитувчилар ўқувчиларни бир қанча кўнгилочар дастур ва сервислардан чеклашлари мумкин. Шунингдек, ўқитувчилар эндиликда болаларнинг телефонида қурилмаларни блоклаб қўйиш, фақат фавкулда кўнғироқларга рухсат бериш, маълум бир дастурни ўчириб қўйиш каби режимларини бошқариш имконига эга бўладилар. Дастурда геолокация функцияси бўлиб, ўқувчи дарсга келди-ми, келмаган бўлса, қаерда эканлигини аниқлаб беради. Дастур ўн бир мактабда синовдан ўтказилди. Ҳозиргача ундан учта мактаб воз кечди. Маълум бўлишича, ёш хаккерлар дастурни бузишга ҳам улгурган.

Велосипедда дунё бўйлаб

Буюк Британиялик Эд Кокс велосипедда ўз юридан Австралиянинг Брисбен шаҳригача етиб борди.

22530 километрли саёҳатга у тўққиз ой сарфлади. Мазкур саёҳат давомида Эд Кокс Европа мамлакатларида, Грузия, Озарбойжон, Туркия, Эрон, Ҳиндистон ва яна бир қанча мамлакатларда бўлган. Унинг айтишича, саёҳат давомида унга кўпчилик илтифот кўрсатган, меҳмон қилган. У хайрия мақсадида саккиз минг фунт маблағ тўплади. У бу пулларни алсгеймер касалиги билан оғриган кишиларни даволаш ишига йўналтирмоқчи.

Интернет манбалари асосида
Жавоҳир КАРОМАТОВ тайёрлади



ДИҚҚАТ, ТАНЛОВ!



Футбол ўйнашнинг, футбол ҳақида ўйлашнинг қотираман, деган, юрагида ўти бор мухлислар учун зўр имконият!

«ИНТЕЛЛЕКТУАЛ ФУТБОЛ»

танлов-викторинаси

Викторинада иштирок этиш жуда осон! Сиз газетамизда эълон қилинадиган Ўзбекистон ва жаҳон футболга оид саволларга ўз вақтида тўғри жавобларни йўллаб борсангиз, кифоя. Танлов шу йилнинг **30 июнигача** давом этади. Унда энг кўп очко тўплаган уч нафар мухлис Бразилияда бўлиб ўтадиган жаҳон чемпионати финали олдидан тақдирланади. Танловда **30 ёшгача** бўлган мухлис ва мухлисalar қатнашишлари мумкин.

12-савол:

Жаҳон чемпионатлари тарихида энг тезкор гол муаллифини айтинг.

Жавобингизни **intellekt_sport@mail.ru** электрон манзилига савол эълон қилинган кундан бошлаб бир ҳафта ичида ўзингиз ҳақингизда қисқача маълумот ва телефон рақамингиз билан бирга жўнатишингиз лозим.

«Kamolot» ko'z'gusi

КИМ БИЛИМДОН, КИМ ЗУККО!

«Ўзметкомбинат»

ОАЖ бошланғич ташкилоти касаба уюшмаси билан ҳамкорликда корхонада меҳнат қилаётган қизлар ўртасида «Металлург маликаси» кўрик-танловини ўтказди.



Лойиҳа хотин-қизларнинг ишдан бўш вақтларини мазмунли ташкил этиш, касбий билими ва маънавий дунёсини бойитиш, адабиёт ва санъатга қизиқишини оширишга қаратилган. Танловнинг саралаш босқичида ўттиз нафар қиз қатнашиб, юртимиз ва комбинат тарихи, адабиёт, санъат, пазандалик бобидаги билим ҳамда маҳоратини синовдан ўтказди.

Финалга олти нафар иштирокчи етиб келди. Улар жамиятимиздаги долзарб ижтимоий мавзудаги сахна кўриниши, савол-жавоб,

спорт, пазандалик ҳамда эркин мавзу шартлари бўйича ўзаро беллашди. Қизларнинг зукко ва тадбиркорлиги йиғилганларда катта таассурот қолдирди.

Танлов натижасига кўра, халқ истеъмоли моллари ишлаб чиқариш цехи ходими Гулмира Тошматова «Металлург маликаси» деб тан олинди. Иккинчи ўрин темир йўл цехи ходими Хуршида Салимовага насиб этди. Халқ истеъмоли моллари ишлаб чиқариш цехининг яна бир ваки-

ли Умида Сайдуллаева учинчи ўринга сазовор бўлди.

Ғолибларга комбинат раҳбарияти диплом ва қимматбаҳо совғалар, қолган барча иштирокчиларга фахрий ёрлиқлар топширди.

Бекзод ҚОДИРОВ,
«Ўзметкомбинат» ОАЖ
бошланғич ташкилоти
етакчиси.

СУРАТДА: «Металлург маликаси» кўрик-танлови ғолиблари.

Уста, ас	Карам, муте	Курол...
Дабдала, расво	Устоз шогирди	Узум тури
Шу пайти	Мухаммадҷонов (актёр)	Даво, соғайиш
Борица	Йўналиш, тармоқ	Ака-ука хотинлари
Узум нави	Ёз ойи	Ковға буржи
От зоти	Жилванмаган от	Авом, чала-савод
Андижон, Фарғона, Наманган	...-рум кураши	... (хинд актриса)
... кур-максиз бўлмас	Миллий мато	Саросима, таҳлика
		... Капур (хинд актери)

ЗУККО МУХЛИСГА САВОЛ:

Ер юзининг энг чуқур жойи қаер ва у нима деб аталади?

Жавобингизни **28 март** соат **16.00** га қадар **233-79-69, 233-95-97** рақамларига кўнғироқ қилиб беришингиз мумкин. Биринчи бўлиб тўғри жавоб йўллаган мухлис номи газетамизда эълон қилинади.

Ўтган сондаги саволнинг жавоби: Ҳалим.
Тўғри жавобни биринчи бўлиб Юнусобод туманидан Зиёда Толипова йўллади.

БИЛАСИЗМИ?

Гугурт дастлаб 1820 йилда Европада пайдо бўлган. Аммо у ўта хавфли бўлиб, арзимаган ишқаланиш оқибатида ҳам ёниб кетиши мумкин эди. Ҳозирги кўринишдаги, яъни хавфсиз гугурт чўплари ilk маротаба 1855 йили Швецияда ишлаб чиқарилган.

Темир 5000 даража ҳароратда буғланиб кетади.

Греция давлатининг мадҳияси 158 усулда янграши мумкин.

Япон олимларининг аниқлашича, одамнинг тиши қанчалик кўп тўкилса, хотираси шунчалик пасаяди.

Индонезия 17 508 та оролдан иборат.

www.kamolot.uz сайтидан олинди

YON DAFTARCHANGIZGA

Биринчи тугмани тўғри қадамадингми, қолганларини ҳам рисоладагидек қадай олмайсан.

Гёте

МУАССИС:

«КАМОЛОТ»
ЁШЛАР ИЖТИМОЙ ХАРАКАТИ
МАРКАЗИЙ КЕНГАШИ

Газета Ўзбекистон Республикаси
Матбуот ва ахборот агентлигида 2007 йил 19 апрелда
№ 0242 рақам билан рўйхатдан ўтган.

ISSN 2010-6998



Бош муҳаррир:

Ашуrow Салим Тўраевич

Тахрир хайъати:

Баҳодир Ғаниев, Меҳриддин Шукуров (бош муҳаррир ўринбосари — «Turkiston»), Элмурод Нишонов (масъул котиб — «Turkiston»), Ирина Кочергина (бош муҳаррир ўринбосари — «Молодёжь Узбекистана»), Елена Калинина (масъул котиб — «Молодёжь Узбекистана»), Рустам Қосимов

Навбатчи муҳаррир:

Назарова Майсара Тошевна

Саҳифаловчи:

Рўзиев Зафар Хусанович
Газета тахририят компьютер марказида терилди ва саҳифаланди.

Тахририят манзили: 100029, Тошкент, Матбуотчилар кўчаси, 32.
Телефонлар: (371) 233-95-97. (371) 233-79-69
e-mail: info@turkiston.uz

«Шарқ» нашриёт-матбаа акциядорлик компанияси босмахонасида, А-3 форматда чоп этилди. Ҳажми — 2 босма табок.
Корхона манзили: «Буюк Турон» кўчаси, 41.

Индекслар: 203, 3203
Баҳоси келишилган нархда.

Буюртма Г-357.
Адади — 12859

Босишга топшириш вақти — 21.00
Топширилди — 21.15
ЎЗА якуни — 21.00

Офсет усулида босилган.

1 2 3 4 5 6